

# INUIT ATAQATIGIIT

## INATSISARTUNI



12. december 2013

Inatsisartut suleriaasianni § 37 naapertorlugu Naalakkersuisut imaattunik apeqquteqarfigaagut:

(Inatsisartunut ilaasortat Kuupik V. Kleist aamma Naaja H. Nathanielsen, Inuit Ataqatigiit)

### Apeqqutit:

1.

§ 37 naapertorlugu apeqqutikkut nr. 236-ikkut apeqqutigineqartoq siulleq Naalakkersuisut akinngilaat. Taamaammat aammaarluta erseqqissumik akineqaqqus-savarput Grønlandsbankenimi Namminersorlutik Oqartussat piginneqataassutaannik pisisuusussa q tassaaassanersoq Greenland Holding A/S imaluunniit Greenland Venture A/S.

2.

Naalakkersuisut kalerriipput Grønlandsbankenimi Namminersorlutik Oqartussat piginneqataassutaannik pisinissamik neriorsuutini Greenland Holding A/S-ip decemberip pingajuani Naalakkersuisunut uppersaqqissimagaa. Naalakkersuisut kalerriutigisinnaavaat piginneqataassutit tunineqarsinnaanerata pillugu Greenland Holdingip siulersuisuisuinut qanga/ulloq suna Naalakkersuisut siullerpaamik oqaloqatigiissutigisimanerlugu?

3.

Akissut nr. 236 kukkusumik isumaqalersitsinnaavoq aktiaatileqatigiiffik pisortanit pigineqartoq nutaanik aningaasaliiniarluni imaluunniit taamaaliorniarani avataaniit aningaasalersuisoqarnissaanik pisariaqartitsinersoq pisariaqartitsinnginner-sorluunniit Naalakkersuisut aalajangersinnaagaat. Taamaammat Namminersorlutik Oqartussat piginneqataassutaannik pisinissamut atugassanik avataaniit aningaasalersuisoqarnissaanik Greenland Holding A/S pisariaqartitsinersoq Naalakkersuisut aalajangigassarinnikkaat Naalakkersuisunut uppersaqqussavarput. Siulersuisut kisimik taamatut aalangiisinnaassuseqarput. Naalakkersuisut allatut isumaqassappata tamanna itisileqqussavarput.

4.

Piginneqataassutinik pisisoqarnissaa Greenland Holding A/S-ip Greenland Venture A/S-illu siunertaasa, takuuk ingerlatseqatigiiffiit pineqartut malittarisassa, iluanniissorineqarpa?

### Tunggavilersuut:

§ 37 naapertorlugu apeqqummut nr. 236-mut Naalakkersuisunit akissutisarisatsinnut tunngatillugu Naalakkersuisut piginnittut inissisimanertik ersernerluttorujussuarmik isigigaat paasivarput. Taamaammat ingerlatseqatigiiffiit pisortanit pigineqartut tunngaannut ingalassimanissamik periuseq Naalakkersuisut qanoq ingerlanneraat paasisaqarfigerupparput.

Assersuutigalugu isumaqalertoqarsinnaavoq suliffeqarfissuarmi immikkoortortalimmi ingerlatseqatigiiffiup qullersaqarfiusup ingerlatseqatigiiffiillu allequtatut aquneqartut siunertaat sulliaallu immikkoortinneqartartut Naalakkersuisut nalugaat. Naalakkersuisut aamma nalorpassippaat siulersuisunngortinneqartartut tassaaarmata sammivissamik ingerlatseqatigiiffiup qullersaqarfianut aalajangersaasartussat.

Siungaaq qinnutigissavarput apeqqutit tamarmik ullut qulit suliffiusut qaangiutsinnagit akineqariissasut.